

折獄奇聞



折獄奇聞

葛青天

蘇州長州邑宰葛建楚。山東濮州孝廉也。鞠案出奇。辦事如神。一日有老婦紡織養生。筐盛錢一千二百枚。進城購棉。行至半途。如廁遺溺。將筐真於廁門。適有強人過。攫之而去。老婦大喊。急追不及。老婦哭曰。吾家之所仰賴者。惟此微費。今爲攫去。是絕我命也。乃奔至縣堂擊鼓。葛公問悉前情。曰不必飾捕。可于廁上條石。訊得其情也。卽差役帶婦。領指廁石。命扛至署。一堂閨然大笑。而差以官命。不得不扛石而歸。稟之於官。懸牌示審。牌內大書某日審某廁條石。以致閭閻喧傳爲異。至日。民之來觀者。自頭門以至大堂。擁擠無餘。葛公乃坐大堂。命差緊閉大門。諭衆民曰。此間非游牧之區。爾等應安居守業。奚可無故進衙。本欲扑作教刑。念爾等無知愚民。各罰錢一枚以放之。民以所罰甚微。樂從其罰。各投一錢而去。拾其錢。竟有七八千之多。賞與老婦以完其案。葛公曰。爾等笑我審石之癡子。不見是婦。乃貧老之婦也。若俟緝獲追給。不知在于何日。老婦命難保矣。不審石焉得如許人來。今吾於稠人之中。取茲蠅利。以助老婦。所謂衆擎易舉。而老婦又以一失而得七八倍之利。豈不佳乎。然得其錢者不追。則強橫之風益熾。當另飭差認真。弋緝獲追究可也。又有米行失一柳斗。見對門雜貨鋪內柳斗相若。逕往攜回。致相爭毆。控之於官。葛公諷曰。柳斗所值幾何。並無記號。或屬彼行。或屬此鋪。均可使得。今以一柳

斗而至結訟。是罪在柳斗。不在民也。卽抽簽將柳斗杖責二十。板衆皆駭。然杖畢。葛公出位。詣杖地視有芝蔴。問若兩家誰賣芝蔴。雜貨鋪曰。小人鋪內賣之。米行人失色。磕頭求恕。葛公曰。冒認他物。本有應得之咎。念係經紀小民。姑從寬宥。由是民皆呼爲葛青天。亦不敢以猜疑之事控案。數月後。真成臥治矣。夫國家之設官也。原以拯民。故事必分緩急。緩則可求其實。急則先治其表。乃能拯民於水火之中。且事必有理。亦必有情。得其理則情乃出。得其情則理乃見。故善於聽訟者。能於案中而推其實。則推之不能則旁敲側擊以引之。此可爲善於聽斷也。若葛公者。其庶幾乎。蓋亦由其心之靈而生其巧耳。此二事可以開執政者之智識。亦可杜萬民之狡詐。故識之。

泰州冤獄

泰州某嫗家小康。夫死遺一女。年及笄。贅於家。女夫婦事嫗甚謹。里黨無間言。嫗有弟。飲博無賴。常稱貸於嫗。稍不如意。輒拍案怒詈。謂厚於壻而薄於己。嫗與女皆白眼遇之。一日女早起。見某室雙扉豁然。呼之不應。入視之。則母已爲人殺死。血流滿地。駭極而號。急呼壻告隣里。共來審視。不知何人所戕也。嫗弟適至。素嫌女。且覬其貲。遂指爲女夫婦所殺。鳴之官。州牧王公拘二人掠治。極口稱冤。復以嚴刑訊之。女夫婦不勝其痛。遂誣服。女凌遲。壻亦論斬。隣里咸知其冤。然畏嫗弟攀陷。莫敢伸訴也。踰年。六合縣獲盜。招承此案。官以殺人不刦財爲疑。盜曰。初入室。欲行刦。爲嫗所執。不能脫。遂刃之。知別室有人臥。恐爲所覺。故逸去。六合令與王牧有連。馳書白之王。以誤入人罪。例欲問抵。驚悸欲絕。陰囑盜於獄而諱其事。然每憶此案。神色沮喪。睡夢中若有人披髮叫號。與之

索命不數月。遇心疾而卒。而女夫婦之冤終不雪。

陳湧金案

陳湧金。四明慈谿人。以販藥川湖起家。生四子。長前卒。次美思。守藥肆於杭。三貢元。多疾。四尙幼。長與三皆娶於吳。以女兄弟爲先後。次媳樂黑。臃而媚。如南漢宮人。性狡獪。長子無嗣。遺一女曰阿貓。美思有二子。倫序相當。大陳吳氏與阿貓不欲。欲以貢元婦小陳吳氏子爲後。且私告所親。樂氏洩蕩。不堪以呂易嬴也。樂氏切齒。乃詐爲夫代子職。就養無方。湧金本無賴。竟陷以聚賭焉。自此傾陷。阿貓母子者愈急。值大陳吳氏病瘵。樂氏詐爲秤藥量水。賺阿貓取炭於劑中。入生鴉片三錢。木鼈子一錢。服後寒戰不止。遂絕。衆者不察。阿貓獨心疑之。哭泣中間以怨詈。且徽及新臺穢跡。樂氏乃與湧金合謀。誣其與長年奴高宏道姦。以鐵籤自口搥其腦。殺之。乘夜埋於曠野。時令慈谿者。楚人黃兆台。入湧金妹壻葉生言。以殺有罪子孫。寢其事。族中有請檢者。反扑而逐之。慈民大譁。時雲間許仲元。奉邁功中丞檄。清理積案。寄居府署。一日。秋坪郡伯倉皇來曰。殷主簿。照白慈谿來有所聞否。仲元曰。鐵橋現在某先生齋。無所言也。秋坪遣僕邀至。促膝密問之。鐵橋云。惟聞陳姓有故殺女孫一案。闔門事祕。無從悉其委曲。仲元謂秋坪盍遣人消息之。秋坪曰。鐵橋甚精細。尙不能得其委曲。何人可遣。點者任偏私。愚者受蒙蔽。翻豐其藪矣。明晨秋坪又來曰。富觀察亦有所聞。頃以詢我。我答以昨有風聞。以未得端倪。不敢遽稟。仲元曰。然則遣人不宜緩。秋坪卽商其人於仲元。仲元曰。家人不習地里。胥役叵測。惟計天一關管書人邵姓充學。

院吏明幹忠實可往。秋坪曰：我亦彷彿識得。即密召之，授以方略。邵曰：陳姓偵探者多，一泄洩矣。即乘府署差轎以行。二更遑，報命曰：胥有戚家隣於陳，託爲探戚者。里閭羣議頗詳，亦訪於數里同事某家。所言皆同。大約通姦事虛，謀產事實。故殺事亦實。棺埋叢葬處尙存。且聞阿貓所字夫洪姓，現謀赴省上控。秋坪轉告觀察，觀察即囑其提訊。仲元曰：提訊太驟，恐萬一參差，難於轉手。鄙見欲易提爲調，均曰甚善。乃飛札慈谿來府，至黃令惑於劣幕某執迷不悟，議三日不決。秋坪乃提府親審。十日而得其要領。廿日而悉其端委。匝月而爲鬼爲蜮，胥無遁影矣。定案之前夕，秋坪宿城隍神廟之左廂，祈神印證。署中家人周姓素勤慎，派令守夜。犯證三更後，分別管押。囑周輪視之。至曉乃已。是夕聞門外呵殿聲，意謂主人歸也。恍惚間，中門閉然，一涼輿入，坐進賢冠藍袍者短而髯，非主人也。驚起瞻之，殊無踪跡。心訝之不致言也。初秋坪恭人瞿略解案牘，一切婦女幼孩訊後，均送內衙安頓撫慰之。且誘使盡言。故鞠獄常竊聽。是夕夢見秋坪向東坐，中坐古衣冠人，兩青衣鎖一少女入，白衣衫上血跡如雨點。中坐人略詰問，即飭放之。女起北向叩首，復西向謝秋坪。又前趨一步東向叩首。若知己之在後也。見秋坪躬身如有所問。神伸三指示之。朦朧間，聞升炮開門，霍然醒。則軍門前明砲也。案遂定。乃以本府單銜請檢焉。時仲元已委權金華令，奉調赴省。邁功中丞清問甚切，乃手疏二十餘條以答。中丞卽以付問官。承審者隸華太守。主稿者兼山別駕。提棺至省檢驗，而黃令復百計撓之。賄高自認姦夫，挺身作證。且誣阿貓曾育私胎埋某處。惟工婦陳吳氏獨抱義憤，藏阿貓被難前三日月布一縛，囑其洗換者高乃伏罪。陳欲購而毀之，許以百金不動。

十室之邑。必有忠信。諒哉。兩吳公推勘周匝。纖悉入奏。惟新臺一節太穢。刪之。定樂氏立斬。美思統候。趕入秋審。湧金滿徒。高奴流。湧金猾甚。聲明年已七十。例得免罪。驗其監照。乃減年報捐。指駁無可自白也。後部文回。提樂氏監綁。湧金見之一慟而絕。洵白首同還矣。李三郎遜此情種哉。初秋坪乍蒞。四明頗不理於衆口。至此乃六邑交頌之好事者。至演爲雜劇。嚴禁之。始止。黃令部議革職。特旨發軍臺。後遇赦。始放歸。

神告記

康熙十六年三月。安西估魏丙。貿卉布上海市中。夜就旅主人宿。醉臥。風雨大作。失囊所藏金三百兩。盡。先是旅主人俞甲。相橐金估布。料其數。而以他事入鄉。屬其季俞乙守舍。至是捕驗。賊不以穴入。而以門出。謂乙盜金。乙不知所爲。經於梁出舌。力救得甦。上海令任君素善識。至是疑之。方庭鞠時。臥一垂死人。篋間刑無所施。而估失金盡。哀號有如窮猿。獨念此二人者。生與死未可知。然且必根株其人。掠肌膚。折骨肉。以求實。卽得實而推求之下。所傷已多。萬一不得。則自今以往。其爲無何而受害者。將不止二人也。踟躕久之。命舁去。獨詣城隍廟。禱於神。請以實告。而留捕隨往者。使待命於神寢官。俗神祠得置寢宮。殿後羅列帷幔。揮拖巾。孟屏几如生。而虛其位。時十九日。捕夢伏寢宮下。私念此位中當得神至。而久不至。少選。有幼婦出。呼曰。神已詣縣去矣。留衣賜汝。遂右手抱細女。左手挈衣。與之及接視。則裙欄也。歸以告君。君是夜亦夢神幃。頭緋衣。前接手云。已得賊。而君未知耶。其云神詣縣者。正以神來告是語也。質明。則估又入報。夜分時。賊已還金一百兩。投旅舍去。君是時方疑乙慮罪。或

姑還金。至得捕語。則俯首再三。仰而曰。夫賜衣而得裙。則非衣也。非衣者。裴也。豈有裴姓其人者耶。捕叩頭曰。似也。閭左有裴愛。無盡。不事家人產。其人僦旅舍旁。而得出入其舍。卽欲得裴姓。此當是君曰。然則其抱細女者。抑可知矣。夫細女。愛女耳。吾聞納音之數。陽姓從左。今左非衣而右愛女。其爲裴愛無疑者。雖然。吾懼以私臆入人罪。使蹤跡之無實。復命捕詣神。再候命。既則捕復夢伏寢宮下。見一吏呼曰。神至矣。至則實其所虛位。已而復入。見前婦出。持敗褌與捕。而以米筐遣少僕。隨老僕攜去。乃復告所夢與君。君曰。是已。仍與褌者。果非衣也。敗者已露也。米則八十有入禮。凡出老者先之。今少者繼出。意者賊當敗。續出金八十八兩。遂取裴拷之。得實。其狀云。風雨夜。先入舍匿盜金。至十九日。夢神勅還金。因先投金一百兩。今續存八十八兩。在泮中。餘各有所。遂泗泮得金。定招伏。而追給餘金所未全者。邑人張錫懌曰。晉史載成都令察奸如神。唐順陽劉君神於摘發。而果宰洛陽。獨曰。古今正人。能達鬼神。則又何與。君秉性正直。往合神聽。且誠於格禱。祇以一念好生之隱。委曲求實。致鬼神聰明。亦委曲覈實以告之。若其解斷明晰。能扶周官掌夢之秘。雖君實多學。然亦君清潔寡嗜慾。神啓其智有如是也。當君初莅時。爲七月二十五日。越三日。而火燔民居。是日大風作。燈如揚箕。君竊念甫下車。而災及吾民。豈吾實不德耶。徒步拜火所。泥啣於衣。而止焚輪間。風不息而火息。嗟乎。神已。君名辰旦。浙蕭山人。由丁未進士爲縣令。

公諱堅字非磷號適園江西鉛山人精法家言諸侯爭迎之代州有大獄囚纍纍牘可隱人撫軍檄岢嵐牧甘公辦治甘聘公往讞立具殺七人釋無辜者百八十人酒姓娶婦月餘弟迎姊歸將入村失姊懼反誣酒氏官下酒氏翁於獄七年不決公從太原返吏指前樹林曰此酒氏家也公心動驟馬而之乎山凹有人扃戶博鬪之一兒覺異拍髯者肩告之衆咸喑曰鬼耳人則安能來公馳遶白甘公纂取鉤距果髯者所略也臨汾令某縱吏暴征民變棄家登山撫軍檄澤州牧修公辦治聘公行日驅三百里至平陽能屬者裁四騎山上人如蟻螻樹鉤鉏爲兵張旗洶洶公手令箭而先周山呼曰撫軍知爾等良也爲奸胥逼反特遣修使君來活汝宜各寧爾家有目者視此箭山上人禁聲稍稍下公導餘騎入縣廷瓦礫山積令從夕室出率犯法吏六人跪修前民環門而囂欲毆之公叱曰勿妄動有王法在乃榜吏於庭血流民懽噪拜謝去次日四鼓率官吏詣省白撫軍撫軍大悅飲修酒而手炙鹿尾啖公公幼卽以智俠自居七歲隨叔父詣法雲堂聽僧誦經廡下坐縣捕數人私語某寺僧被殺主名不得奈何公辟耳於叔曰殺人者堂上老僧也叔訶之曰渠誦經屢顧不在經矣故疑之捕者牽僧去一訊而服十七歲阻風瑞洪鎮有少年同舟舟人哺食少年登岸再食再登岸公疑而跡之見其蹲古廟大鐘下色焦然瞠也曰余南昌熊白龍家貧告急於河口戚不遇反寄食於舟人未償其值而又阻風舟人將不余食焉故避此語畢泣公亦泣強入舟與共食而資以金熊感謝遶邀過其家見母誓爲兄弟居亡何熊來曰權弟金獲利三倍今將販繒臨安無所託母妻故來弟知吾父有養子曰蛟乎素無行脫有故弟善持之言畢去逾年繒主人執訊

來曰。熊某死矣。餘金若干。目且瞑。屬曰。爲我報蔣君。公陰念歸熊喪。非蛟不可。而蛟見金必叵測。乃札覆主人。授部署法。遲十日。告熊母。母果遣蛟往。已而召公哭曰。蛟至浙。兒骸已焚。闔然在桶。舟人負之納我閭。此外不有其藏一錢。奈何。公慰母再三。而身自往。圖哭視畢。走出。母牽公袍曰。聞繒主以兒金寄君。金之來由。君然貿易者。與有勞焉。盍析半惠老身。公未答。蛟突前。脫曰。須南昌廳事。明之耳。公叱曰。何必南昌廳。召二三隣父來。卽明也。蛟嚙喙局公去。俄而龐眉者六七叟至。公曰。所以嘔喘者。受亡人託。防蛟故也。防蛟爲母故也。今母見逼。不得不速明。請詣圖。乃繞桶而號曰。白龍知我。白龍知我。斧之複底。脫鑊三具。墮地。光瑩瑩然。鎔金也。裹以薄券。衆取視。咸泣。歎老嫗目昧。不知人。未幾。蛟果竊金遁。公有神力。而敏於爲善。遇盜許昌。兩騎截路中。五人行。刦公。怒射一人。顛。再發。再顛。盜驚。舍所刦者。搏公。公縱馬入。刺殺一人。馬逸。公仆。躍起。復殺二人。餘盜乃竄。被刦客爲公牽馬出林。羅拜問姓名去。又嘗行崑崙道中。雨。峯夾溪。天暴雨。泥沒馬鼻。有婦抱兒騎一童子。負策從。公慮其溺。救之。非錢莫以也。乃解數緡掛馬首。須臾婦溺。童子驚亦溺。公大呼。救者贈錢萬。搖其繩。錢鏘鳴。塗人應聲往。皆掖之起。送寧其家。公四十六歲。始娶鍾夫人。生子士銓。官編修。公捐館時。年七十一歲。猶及見士銓舉於鄉也。

千里急

陳懋仁泉南雜志云。城中一夕被盜。捕兵實爲之招。直巡兩兵。一以左腕。一以胸次。俱帶黑傷。而不鍾裂。謂賊棍歐意在抵飾。當事督責司捕。辭甚厲。余意棍毆處。未有不致命且折。亦未有不腫且裂者。無之是必贗作。問諸左

右曰。吾鄉有草可作傷色者。爾泉地云何。答曰。此名千里急。余令取搗碎。別塗兩人如其處。少焉成黑。以示兩兵。兩兵愕然。遂得奸狀。自是嚮道絕。而外客無所容矣。

吉安老吏

吉安州富豪妻婦。有盜乘人冗雜。入婦室。潛伏床下。伺夜行竊。不意明燭達旦者三夕。飢甚奔出。執以問官。盜曰。吾非盜也。醫也。婦人癰疾。令我相隨。常爲用藥耳。宰詰問再三。盜言婦家事甚詳。蓋潛伏時所聞枕席語也。宰信之。逮婦供證。富家懇免不從。謀之老吏。吏白宰曰。彼婦初過。不論勝負。辱莫大焉。盜潛入突出。必不識婦。若以他婦出對盜。若執之可見其誣矣。宰曰善。選一妓盛服與至。盜呼曰。汝邀我治病。乃執我爲盜耶。宰大笑。盜遂伏罪。

樊烈婦

烈婦姓張氏。襄城人也。家世忠貞節義。聞於遠邇。及笄。適同邑樊廷柱。生子二。曰盛。曰茂。而廷柱卒。烈婦撫二子。誓守。足不踰戶。廷柱父歿。與廷柱弟宣同居。以養其姑。七年矣。同里有王荊州王習武者。皆兵家子。素無賴。兇暴橫里閭間。聞烈婦美色。豔悅之。不得間。康熙壬申四月。宣與姑同赴村穫麥。二子方就塾師。因與二子居城中。二十四日巳刻。荊州窺二子入塾。知其家無他人。乃與習武直入其室。烈婦大驚。急走避。曰。若何爲。荊州直前持之。烈婦大呼且罵。習武扼其吭。嚇曰。從則活。否則死。烈婦曰。死耳。強犯之時。惶急。烈婦取菜刀。搥其面。荊州奪擲地。烈婦疾入寢室。合扉不及。乃抽牀頭刀。刀長。操其室。方出鞘。而習武從後掣其肘。又奪之。於是兩賊共曳烈婦。伏

地伏輒躍起。屢伏屢起。捽其髮。髮縷縷脫。而烈婦呼罵聲益急。輾轉逾時。終不得犯。將舍去。荊州固恨甚。又恐洩。遂以所抽刀斫其額。血迸出。淋漓遍體。倒於地。猶罵不絕口。習武復以菜刀斷其喉。烈婦死。且走。恐或復甦。更以巨石壓其胸。踉蹌出門去。時日方午。二子自塾歸。見母被殺狀。號哭奔告地方曹青雲來驗視。青雲亦知其被殺。而恐累己。遽以自刎鳴於官。時令襄者爲金溪許子尊。遂置不問。事且已。宣遽與烈婦兄本訟。憤其事。訟之。至五月四日。令乃率件作至其家檢驗。距烈婦死旬有一日矣。天且溽暑。啓其棺。面如生。鮮赭如新。額上刀痕。直貫其頂。喉橫斷深寸餘。決非自刎者。令不得已。乃令青雲蹤跡賊。方烈婦被殺時。其隣人有見荊州習武身帶血跡。倉皇自其家出者。然不取訟言攻之。而里巷間嘖嘖私語。咸指目兩人。青雲乃以荊州習武供。比逮訊。兩賊各不承。將刑。而荊州父故悍卒。突前瞋目咆哮。以爲無端誣其子。掄荊州去。令無誰何也。因罷訊。自是都司康宜壽守備劉伏振。力持之。曲爲庇護。加以囑賄。令素忱營弁。不強爭。久且依倚爲好。於是宣本訟控於各上憲。檄下嚴訊。令定訊期。約在十餘日後。邑人咸計日而望。不能待。比及期。則改期又十餘日。期凡三數易。而詭變百出矣。及訊。忽有戍卒黃應魁四人。證習武是日同在靈樹堡戍所。去城數十里。王雲等五人。證前數日與荊州同持羽檄赴南陽。在三百里外。宣本訟力辨其詐。青雲亦詰習武荊州言是日與兩人凡數見。在何處作何語。皆鑿鑿有據。兩人語塞。而應魁等九人。聞於堂上。會日亦暮。罷訊。令遂以靈樹南陽及應魁等姓名。具詳於上。宣本訟益憤。而烈婦英靈不死。風雨晦冥。家人恍惚若見其出沒。或時聞其歎息聲。昏夜無形無聲。與家人述其遇害事甚悉。且言賊

終必正法。宣本志益銳。屢控。屢奉嚴檄。務期得賊。令乃與營弁謀。不坐張氏及宣罪。以杜其口。則控不已。於是令颺言曰。此必張氏有淫邪行。故致此。且殺人者。非他人。必宣也。已而訊於城隍廟。邑耆紳若士聞之。大譁。數千百人共前爭之。令仍執前說。衆曰。張氏累世忠貞節義。且烈婦貞潔之操。里黨所共聞知。安得以此相污。吾等願各以百口誓神。白烈婦冤。令慚汗不能答。衆又曰。坐宣殺人何據耶。令曰。按律有叔殺嫂罪。則爲宣殺無疑。衆曰。律之罪何所不有。律無強盜逼奸殺人罪耶。律無故縱強盜殺人失出罪耶。語侵令。令惶謝曰。公等退行爲緝賊。自是不復爲此言。遷延二歲餘。縉紳若士或懇請。或憤爭。令惟以婉言相應。然卒牢不可破。自此獄益解。荆州習武且釋去。其後令緣他事被劾。以罪罷。署篆承審。皆以事不由已。一仍前轍。及黔中劉公子章來令襄。事則已四載。且注銷矣。常憾其事。欲復理之。會河道周公銓元署臬司事。翻閱前案。曰。此事何爲疑獄。城中殺人。非荒郊比。且日午。非昏夜比。賊有主名。非捕風捉影比。種種弊竇。置之不理。令死者含冤。生者漏網耶。遂檄縣嚴覆。劉公方逮諸囚。而荆州兩月間。前忽發狂大叫。歷言與習武逼奸殺人事。已逮曰。天殺我。遂自經死。獨習武就鞠。劉公方嚴毅直。久爲營弁所憚。不敢以私干。及廷讞。營卒亦無一人敢相窺者。習武勢孤氣懾。未及刑。一訊卽伏。獄具。巡撫都御史上其事。爲烈婦建貞烈坊。而斬習武於市。

可師

歸安之西徧有豐登菴。僧名可師。以戒律自名。鄉村一婦人。素與僧通。會值春社。婦濃妝豔抹。至寺中燒香。僧引

入房與狎。事已相抱而睡。適社長來問殿上緣事。小沙彌尋入。並不見僧。但見牀前繡履一雙。與僧履在地。遂近前揭其帳呼之。僧驚悟。見沙彌大怒。遂起擒之。沙彌泣訴其誤犯之由。僧轉益驚訝。顧隣婦曰。汝善守之。勿聽其出也。遂去。少頃復入。縛沙彌以綿塞其口。笞死。是夕留婦宿。巷中人靜後。共昇尸啓後扉出。投一廢井內。以瓦礫覆焉。次日。以沙彌爲母家所誘。竊物潛逃。控於官。官納僧賄。拘其父刑訊。責令交出沙彌。顧其父實無從尋訪。訟繫者逾兩月矣。時梅雨乍晴。有數小兒於巷後闢草爲戲。忽見井上一小蛇蜿蜒。羣起逐之。蛇入於井。一兒趨窺之。帽落井中。兒卽取。釋竹一竿。撩之。帽已沈矣。再掉之。則一足翹起水面。須臾尸首浮出。大懼。投竿奔告其父。父卽呼隣保共往。相與撈起。其尸猶不腐。徧體傷痕。隱如刻劃。而面目宛然可辨。遂共鳴於官。邑令至驗尸。係笞死者。詢僧曾有控案在。總捕府卽飭役往取成案。反覆久之。呼二役往搜其寢。無所得。既至佛座後一套房。其中床榻衾帳。皆極綺麗。顧亦無他物。惟抽屨中有辮髮一根。以呈。並縷述房中華褥狀。令呼僧問。以此處緣何而設。此物更何用處。僧對不知。令曰。然則汝亦知殺汝之徒者乎。僧又言不知。令乾笑曰。汝雖不知。然兇手則有在矣。遂用夾訊僧。絕而復甦。猶堅不肯承。令怒。命再刑之。忽顧見人叢中一少婦低頭搵淚。趨喚至案前。詰之曰。此何地也。而汝卻來此垂淚。對曰。妾本師之隣家。見其不勝拷掠。故不覺慘然。令曰。然則視僧之拷掠其徒何如。爾時汝何忍立視其死耶。婦駭言。此事與妾無干。令大怒。令移之。僧在旁睹其宛轉嬌啼。心痛如割。遂前承所以斃其徒者。且曰。事雖由於姦情。但當斃命時。此婦實不在側。刀山劍樹。小僧一身當之足矣。令笑曰。今日汝可謂大發慈悲。

悲矣。因並繫其婦去。案既定。斬僧於市。婦擬監候絞。年餘病死獄中。相傳行刑時。砍至第七刀。僧首始殊云。

昭慶僧

丁卯鄉試。烏程董生某。以錄遺就寓湧金門內。舍宇湫隘。主人爲遷其妻子出。俾下榻焉。時溽暑乍退。殘月始生。其窗外一帶短垣可踰。生孤眠無侶。輾轉不寐。夜將半。聞庭內有人踰入。旋見紙窗一人影。頭童然。僧也。生心知其非竊賊也。假寐以伺。僧於窗上略用摸索。窗扇砢然自開。探身入。以手中巾扇置几上。弛其短衣。走至榻前。低呼曰。好姐姐。小僧來也。生不覺失聲笑曰。和尚誤矣。小生僦居在此。非復是汝姐姐矣。僧大驚。赤身從窗中竄去。生起取几上扇視之。其上有小倉山房寄梁山舟侍講一詩。款稱某大和尚慧鑑。蓋卽山舟先生所書也。心竊喜。次日早起。易衣冠。袖其扇出錢塘門。往來湖上。詢其人。知某和尚爲昭慶主席僧。投刺晉謁。略敘數語。出袖中扇與之曰。僕夙欽戒行久矣。自恨塵濁。侍講無緣。今幸得親蓮座。敢獻此以表皈依。僧接視。知爲昨所遺物。默然久之。合掌稱謝。兼問尊寓何處。生一一答畢。辭出歸寓。憩坐方定。僧忽袈裟朱履搖扇而入。一見伏地稽首。生挾之起。僧顧左右無人。袖中出裹物與生曰。先生大恩。銜結莫報。此區區者。聊備償報之需。勿以匏葉爲笑也。生辭謝。僧置几上而去。啓函秤之。得白金百兩。喜甚。扇置篋中。已忽頓悟曰。吾不可復留此矣。遂呼主人酬以值。託故辭去。主人往呼其妻子還。迨夜相與就寢。睡方酣。僧果復至。啓窗入。徑達生臥處。索得其首。舉刀力切。其夫驚起。急捉其臂。大呼救命。僧大駭然。知爲其夫語音也。小語曰。勿聲。小僧也。而室中已悉起環視。見僧手利刃晶瑩如雪。

而血殷枕席。其妻身首離矣。僧亦慘然而泣。蓋其妻本爲僧所姦。僧始以赴約遇生。雖餌以金。然不保其不洩於人也。故復至。出其不意殺之。不知其已遷去也。於是縛僧送縣。令來驗畢。呼僧鞫得其情。飭役至烏程學訪董生所在。校官徧檢冊中無其名。反白於令。令趨提僧出曰。殺人者死。何用董生。但恐斬汝。則塵根未斷。不如易以火葬之法。送汝昇天。庶幾骨化煙消。他日可免再墮孽障也。遂命抬至教場。積薪焚之。取其灰揚之江中。此事董生嘗自述於人。其投刺時。蓋已先易其名。故無從尋訪也。聞是時僧鬢已斑矣。

京師指揮

京師有盜劫一家。遺一冊。且視之。盡富室子弟名。書曰某日某甲會飲某地議事。或聚博狹娼云云。凡二十條。以白於官。按冊捕至。皆跣跑少年也。良以爲是。各父母謂諸兒素不逞。亦頗自疑。及羣少飲博諸事悉實。蓋盜每偵而籍之也。少年不勝榜毒。誣服。訊賄所在。浪言埋郊外某處。發之悉獲。諸少相顧駭愕。云天亡我。遂結案伺決。一指揮疑之而不得其故。沉思良久曰。我左右中一髻。職象馬耳。何得每訊斯獄輒侍側。因復引囚鞫數四。察髻必至他則否。猝呼而問之。髻辭無他。卽呼取炮烙具。髻叩頭請屏左右。乃曰。初不知事本末。唯盜賂奴。令每治斯獄。必記公與囚言。馳報。許酌我百金。乃知所發贓。皆得報宵瘞之也。髻請擒賊自贖。指揮令數兵易雜衣與往至僻境。悉擒之。諸少乃得釋。

向敏中

向敏中在西京時。有僧暮過村求寄宿。主人不許。於是權寄宿主人外車廂。夜有盜。自牆上扶一婦人囊衣而出。僧自念不爲主人所納。今主人家亡其婦人及財。明日必執我。因亡去。誤墮井。則婦人已爲盜所殺。先在井中矣。明日主人蹤跡得之。執詣縣。僧自認服。誘與俱亡。懼追者因殺之。投井中。暮夜不解失足。亦墜。賊在井傍。不知何人取去。獄成言府。府皆平允。獨敏中以賍不獲致疑。乃引僧。因問得其實對。敏中密使吏出訪。吏食村店。店嫗聞自府中來。問曰。僧之獄如何。吏給之曰。昨已笞死矣。嫗曰。令獲賊如何。曰。已誤決此獄。雖獲賊亦不問也。嫗曰。言之傷矣。婦人者乃村中少年某甲所殺也。指於其舍。吏就舍中掩獲之。案問具服。并得其賍。僧乃得出。

香洲先生

吳縣蔣香洲先生。名耀宗。字思彥。前光祿少卿文瀾孫。刑部員外曰樑子。以國子生遵豫工例報捐知縣。歷仕廣東湖南知縣。陞廣州府同知。又陞澧州。皆以事去職。先生任石城時。有監生曹某。以殺人繫獄。曹故鄉居。比隣張某素無行。縣役詣張催糧。張不能應。時已薄暮。僭役告貸於曹。推戶入。則張之父死門內。血蹟淋漓。張遂大呼曹殺其父。急告縣中。先生閱案牘。宣言曰。死於門內。曹殺何疑。當就鄉親勘。忽命與大搜張室。得木杵於牀下。血痕殷然。尺寸與格傷合。遂定以凌遲詳報。蓋子致父死。潛納尸門中。役適踵至。詭言告貸。實欲其作證人。雖疑張。莫之肯直也。曹感再生恩。且悔過。乃輸金修其村中之觀音閣。旦夕焚香曰。我非自求福。願祝我蔣父母。子子孫孫富貴壽考也。後令邵陽署藩陽。皆有惠政。民德之。子厚培。官廣西桂林府通判。元復乾隆丁酉舉人。官山西榆次。

縣知縣萬寧嘉慶辛酉進士官河南封邱縣知縣先生有堂弟名曾燭字德昭亦積學礪行有醞儒風後兩子俱成進士長泰階由中書歷官監察御史次慶均由庶吉士歷知河南杞縣陞補知州年八十三而卒

泥皂隸破案

江南之蘇松常鎮浙江之嘉興湖州凡城隍廟中裝飾皂隸皆陽間得時皂隸出賃塲工自塑形像於旁高帽皂衣腰牌書己姓名望死後可作陰間皂隸也常州金匱縣乃康熙年間分出以王喬林知縣事新建城隍廟裝設神像當時有皂役吳太者即塑已貌於旁書姓名於腰牌之上是皂隸也平日心極慈祥見竹板之厚者必磨刮以薄之枷之重者必設法以輕之迨後王喬林作故有作城隍之設而吳太亦相繼而亡廟中皂隸咸不靈應惟吳太獨見其靈有求必應土人因其靈將其像扛至下旁南面而立百餘年來香火獨盛乾隆中年新任知金匱縣事者到廟行香見而怒曰皂隸何得向南急昇出燬之衆民求之曰皂隸素著靈異救人之難多矣安其靈即所以安民也願公仍循其舊令曰如果靈異現有一案着即顯靈破之其案某與某富婦通姦已久其婦以二子長成俱已娶媳不甘再行穢事令兒輩忿恨力拒之某於中秋日過富婦家飲酒興起復欲敍舊婦堅不允婦亦賞節大飲醉臥某即携刀潛至其房將婦連戮三刀即斃某即逃走年餘飭緝不獲此案即着皂隸護差獲犯破案限一月不破即燬此像矣後某逃至海邊思欲航海忽見有一船來皆是鄉音問曰公等何邑人氏曰金匱又問曰上年殺死某婦之案縣中作何辦法衆客曰某婦好好在家案已寢息某曰可與我趁船還乎衆曰爾乃鄉